

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10), člana 67. stav (1) Zakona o budžetima u Federaciji Bosne i Hercegovine („Službene novine Federacije BiH“, broj: broj: 102/13, 9/14-isp., 13/14, 8/15, 91/15, 102/15 i 104/16), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), člana 9. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16 i 8/17) i člana 4. Odluke Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona u 2017. godini („Službene novine Zeničko-dobojskog kantona“, broj: 7/17), Vlada Zeničko-dobojskog kantona, na 111. sjednici održanoj dana 21.09.2017. godine,

d o n o s i

ODLUKU

o dugoročnom kreditnom zaduženju

Zeničko-dobojskog kantona u 2017. godini za LOT 3

Član 1.

(Odobrovanje kreditnog zaduženje Zeničko-dobojskog kantona)

Nakon okončanog postupka javne nabavke izbora najpovoljnijeg ponuđača za dugoročno kreditno zaduženje Zeničko-dobojskog kantona u 2017. godini, za LOT 3 javnog poziva, odobrava se dugoročno kreditno zaduženje Zeničko-dobojskog kantona u 2017. godini u iznosu od 5.500.000,00 KM (slovima: petmilionaipetsto hiljada KM i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita od 5.500.000,00 KM (slovima: petmilionaipetsto hiljada KM i 00/100 KM), plus pripadajuće kamate,
- b) okvirna vrijednost ugovora (ukupni iznos kamata sa svim drugim troškovima kredita izraženim u KM za cijeli period otplate kredita) u iznosu 771.562,79 KM, koju je ponuđač u nacrtu ugovora izrazio u procentu redovne nominalne kamatne stope od 4,40%, odnosno u procentu efektivne kamatne stope od 4,58%.
- c) grace period: do 30.09.2018. godine (ne uračunat u rok otplate),
- d) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javne nabavke,
- e) sredstvo obezbjeđenja: mjenice (bez hipotekarnog obezbjeđenja),
- f) svrha zaduženja: finansiranje budžetskog deficita Zeničko-dobojskog kantona,
- g) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2017. godinu i Zakonom o izvršavanju Budžeta Zeničko-dobojskog kantona za 2017. godinu,
- h) uvjeti otplate: kvartalna otplata,
- i) mogućnost zajedničkog učešća: dozvoljena, pretpostavljeni rok povlačenja sredstava: 01.10.2017. godine.

Član 3.

(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona kao ugovornog organa, sa izabranim ponuđačem INTESA SANPAOLO BANKA d.d. BOSNA I HERCEGOVINA, potpiše Ugovor o dugoročnom kreditu u iznosu od 5.500.000,00 KM (slovima: petmilionaipetsto hiljada KM i 00/100 KM), za LOT 3 javnog poziva, pod uslovima iz člana 2. ove odluke, na koje je Vlada dala saglasnost, da potpiše mjenice kao sredstvo obezbjeđenja navedenog kredita, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-13012/17.

Datum, 21.09.2017. godine

Zenica

PREMIJER

Miralem Galijašević

DOSTAVLJENO:

1x Skupština Zeničko-dobojskog kantona,

1x Stručna služba Vlade

1x Ministarstvo finansija,

1x „Službene novine Zeničko-dobojskog kantona“

1x a/a.